



柳田文庫
文庫11
A1149
1



余一日閱銀坐街書肆蠹書紛堆中見行雲樓遺
稿怪開之卷末記寄贈之由係書名而不詳其
謙云者何人而托之書肆又何故然今按先生手
記尚友錄蓋謙者出雲人妹尾君恭之名而謂所
人已而書亦散者歟以書初限部數付活字以所
贈先生生前交友諸子則固非托書實以可彌兩干
市者乃今歸余手亦非偶然也哉

明治乙酉抄冬

松島 葉識

御田泉文庫

行雲樓遺稿敘

增澤

松島履卿之於文章也好之甚於食色乙未歲東下
訪予晚香之廬一揖便問作文之法予曰爲文須令
滿腔有物欲令滿腔有物莫若通經史通經史則義
理融而人情透古與今會道與心浹胸中有全涌不
可闕者生焉然後觸物而洩之楮毫則起落擒縱頓
挫離合意之所向法隨而來故學文與學道無二塗
也不學道而求作文之捷徑猶秉杖屨而求御風之
術無此理也履卿曰古文中宜讀何書予曰莫若宗
一家然人好尚各異不可以相強但在乎子博覽而

屢

約取多涉而精擇焉耳。履卿聞予言，若有首肯之，留九旬而去。後游于都者二，廣諮師友，益有所得。還築行雲樓，架書數百卷，昕夕而誦之。時發爲詞章，樓仰駒嶽而俯鵞湖，雪月風雲，晨昏萬變。履卿凭梧支頤，挹秀色而襟之，慨然有感焉。謂吾信之山水，以奇嶮鳴於天下。昔者朝日將軍興於岐蘇，有若兼平兼光，有若行親親忠，乃至於娘子軍，有若巴美人，兵馬之強，關西無雙。爾來六百有餘載，寥寥乎無有魁奇俊偉超羣異能之士。大名轟海內者，文與武時耳。吾雖眇乎，獨不可踵將軍之武，以與靈湖巨嶽爭其奇耶。

故其文以氣勝，欽崎磊塊之鳴，悍然溢楮墨之表。然瑕瑜不掩，或不免貌擬形似之痕者。大慳之命之所致也。可勝惜哉。既沒之數日，其兄子德來自諏方，抱遺稿傳母之言曰：坦也亡矣。所遺者只此。欲鏤以訪於世，請子點定而序之。吾聞劖刷文詩，識者所恥。然其人既逝，則後之人并其不足傳者傳之，以寓其感，亦情之不可禦者也。况在其母與其兄乎。乃受而按之。履卿與姬路津田于園交最善，有所作必與之謀。故點次之役，予與于園分任之云。履卿名坦，號北渚。又號龍川。高島藩人。死時年三十一。

弘化紀元之秋七月上浣濱松鹽谷世弘序

弘化紀元之秋七月上浣濱松鹽谷世弘序
（此處為極淡的印文，內容難以辨認，但可見其為多行文字）

引

曹丕曰文章經國大業不朽盛事吾豈敢望之哉葉
水心曰文章不足關世教雖工無益也有旨哉言也
吾則志焉雖然亦有不免者存焉噫
天保庚子仲夏上浣諏方松島坦自識

題跋五首

雜著十五首

附

柏堂遺稿

信八首

卷十四首

卷中

古今雜著百十六首

卷上

下書對書詩目錄



行雲樓遺稿卷上

故鄉在僻隅。飛雪季秋初。層冰滿湖面。始度自野狐。
 野狐踏有痕。漸可通馬車。漁夫吹火行。鑿冰網鯽魚。
 魚肥味亦美。年年獻公厨。阿孃手拈据。千里辱苞苴。
 知是阿孃意。使兒不思鱸。

非崎懷古

槎牙老樹枯無枝。七里巖屏各爭奇。維昔梟雛巢此地。
 曾逐鷲父據險危。當時滔滔否塞極。大義誰起問

馨評一結有力

罪師先侯獨抱征討志。急整軍旅出萬騎。五合四勝
我武揚。就中一戰彼不支。逐北乘勝入散地。豈料敗
餘翻旌旗。我兵失氣相蹂躪。曠野漫山亂靡披。遂使
梟雛頓生翼。雄飛山東實由茲。吾今過此按地理。感
慨彷徨立多時。使吾當日扞伍乘先侯。馬前有一辭。
峽中懷古二首

吾憐勝國事。行步一俵俵。盤踞十三世。貔貅廿四郎。
自從長篠敗。遂使新城荒。鐵馬今何去。河山夜夜霜。
擔將孤劍出家鄉。驛馬鈴聲入甲陽。天接駿州蓮岳
秀。地連信國峽河長。霜風曉霽觀殘壘。寒月夜深經

戰場。幾箇英雄今不見。山村到處墓荒涼。

二瀨越

扁舟隔岸橫。篙夫何處去。跼立望山阿。夕陽明遠樹。

八王子村

紅蓼黃花秋滿原。柴門千戶自成村。牧童不識興亡
恨。逢客猶言峽土孫。

歸家

探賞歸來客味清。記山評水有餘情。猶疑身在林巒
際。驟雨聽爲松籟聲。

題茅廬壁

時余歸省

聲評流暢可誦

卸裝閑卧半旬餘。鄉思客情夢未疎。說與園松休錯節。須含晚翠護吾廬。

碓冰嶺

籃輿軋軋上崢嶸。古樹陰森暗水鳴。堪喜名山會文意。奇驚妙義峭榛名。

乞丐

都城到處幾徘徊。玉食繡衣亦彼哉。舉世廉風長掃地。此徒曾聽斥嗟來。

鎌倉有感北條氏事

舊都濶達十里原。人煙蕭瑟數家村。華表高聳鶴不

聲評文人眼中無物非文

返悠悠往事向誰尋。滑川水滑螢火沒。屏山如屏翠鬱勃。處處涸井化蛙穴。家家倉廩變狐窟。憶昔陪臣執命時。蔑視天子張虎威。生民塗炭日慘慘。干戈縱橫泣瘡痍。新郎反旗募死士。海嶮解劍鎮馮夷。三軍鼓氣如怒潮。七口洞門草木披。九世廟社燼一炬。凱旋壯士貫馘舞。可憐旅葬羣鬪處。礎石礧礧生禾黍。此地經過幾回頭。荒寺斷碑幾百秋。累累朽骨如沙礫。夜夜鬼燐使人愁。

大塔王墓

昔吾天子出宸關。鑾輿倉皇入芳山。夢兆厘卜一南

行雲樓遺稿卷一
枝至尊顛蹶天步艱。親王獨抱蒙塵恥。良岳下觀山河壘。日月錦旗翻雄風。仁人義士如蠟起。鐵馬到處賊成羣。四海鼎沸犬牙分。勤王頻破國賊軍。乾元早奏恢復勲。恢復業成難守成。濫賞却爲解紐萌。哲婦長舌傾宗子。再見京城血喋兵。偷鼠跳梁虎生翼。鴻鴈成陣飛向北。土窟龍蟄雲歸岫。慘惓天日無輝色。今茲方遭五百秋。親王寃魂何處留。茫茫荆棘人不掃。空拜荒墳滄泗流。

陶侃

文士學文武。可知文武報國恩。功業由來男兒

事。君惜分陰是其源。無事內外運百甓。果識用力在中原。憶昔虛堂日高眠。夢生八翼上天門。夢兆自宜積善家。家有餘慶逮子孫。子孫操節高千古。採菊獨占晉乾坤。

春曉

一聲何物鳥。破我春曉眠。起汲石井泉。還灑石鼎煎。胸中無塵事。先得好對聯。

丁酉仲秋望前。暴風驟雨。顧園中植物而作。

雨晴繞吾屋。步步堪傷目。脩竹牆外橫。梅蟠共根仆。牽牛最可憐。纏籬反顛覆。時遭笠叢翁。先問秋稼熟。

袁

行雲樓遺稿卷之二
傾蓋緩頰云。風雨不災穀。仰喜天色清。歸來培籬菊。
蝴蝶不傍花。翅裂葉間宿。命婦溫村醪。聊爲民物祝。
斷雲吐月明。照我書窓讀。

題陳景山畫虎圖

西方孟獸何太雄。巖谷一嘯起腥風。恰如葛伯恣暴
戾。啖餉不給啖山童。我邦由來無此物。畫圖塵塵見
髣髴。是亦由君之威德。宋均之事何足匹。君不見昔
時豐王伐韓虜。壯士餘勇毆豺虎。搏之不異蓬與麻。
韓虜捲舌伏其武。

題書齋壁

腸醉三杯酒。胸儲二酉書。稠人脅肩笑。志士帶經耒。
百歲蓋棺後。千金求骨初。不嗟塵俗隔。漸漸此心舒。

對雪

朝起推窓戶。山川一何潔。枯木忽生花。鐵硯冰將裂。
鹿蹄踏無聲。溪流漸漸咽。風收壓高松。時聞園竹折。
獨占豐年瑞。先判麥秋節。却憶連年凶。釜甑粒屢絕。
租稅猶未斂。頻遇督責切。願得使循吏。清白如此雪。

筆

維昔蒙恬雲夢蒐。重圍束縛拔其尤。好奇韓子作家
傳。求巧蘇公分技流。竹帛千年爲世用。土泥一日任

折

人投寄言銳氣消磨後莫向文場露禿頭

病中

抱疴欹枕坐爐邊。無數閑愁懶弄絃。老母禁葷非佞佛。少童丸藥豈求仙。燈前夢覺三更雨。屏外香銷一縷煙。時出簷頭曝冬日。清癯恰似欲枯蟬。

伊那郡松島城係吾十三世祖傳叟君

稱對馬守貞實

小笠原氏支封領小縣一郡弘治年間為武田氏所滅

故墟墟下妙音寺

有墳塋乙未初冬十有八日余往宿焉展拜之餘不勝追感賦此似寺僧

松柏蒼蒼蔽祖塋。春風秋雨幾枯榮。苔碑荒草無人

掃竹徑涼烟有犢耕。古壘于今磨折戟。廢濠憶昔沒來兵。寒蛩不識攢悲感。蓬髮來吟祓裔情。

山野記事

丁酉七月二十三夜與二三友待月於小樓。談及山野事。余聞且記之。坐間結構得三首。而猶餘數目。當他日續成焉。

幾歲土牢囚稚熊。質造熊膽欺人瞳。熊憤日積無所洩。挈攫牢上啖栗童。童叫一聲堪酸鼻。頭墮牢中身委地。獵婦驚起氣不撓。躬提烏銃裂目眦。牢熊人立破牢突。滿吻洒血將奮越。獵婦迎之氣何剛。一發霹

行雲樓遺稿卷三
霹應手蹶兒血淋漓熊血紫獵婦斬熊祭其子嗚呼
獵夫獵夫休噓唏無數熊兒爲汝死

右獵妻殺熊

深山有老狼跳跟中澤鄉少婦承姑命出采陌上桑
狼腹飢已久見婦如見羊少婦纖纖手拔筭啼且防
狼眼如烈日婦命似秋霜鄉邑一百烟閉戶氣不揚
中有木強男扼腕救之忙格鬪三四合身已被毀傷
振臂衝狼咽握出猛狼腸赤手斃猛狼勇氣勝卞莊
官家賞勇義表旌賜錢糧賞旨所以厚爲使士夫剛
士夫知義勇莫愧田野郎

拉

右田夫搏狼

溪間數家村業樵交情敦朝攜入深山夕杵歸家門
嘗伐官家棟春糧住岳洞伐木咸憊疲相枕欲同夢
乍聞鱗甲聲颯颯異丁丁覺起一夫亡怪見草茅橫
草茅狼籍處大蛇吞人去吻餘血不乾樵徒斧且鋸
其毒不可當殺之勢何剛長蛇寸寸斷剗剔去其腸
出入洗澗水肌爛熱如燬呼吸漸漸通樵徒仰天喜
嗚呼士仕君同僚且殷勤相妬又相殺曷建同謀勳

右樵夫斬蛇

題飢民圖

菜

昇平二百洽。驩虞彼蒼降。災民何辜。自己至申地。不
毛流民累累如串珠。一家數口載家具。夫負釜甌婦
提壺。面色如土。肌如泥。蓬髮鶉衣。夾道呼。偃僂提攜。
廻街衢。吾問流民何以然。自訴本非遊惰徒。去年淫
雨浸禾稼。春蠶爛死。秋棉枯。草根木皮採拾盡。卽今
榆柳無完膚。黠商姦豪乾穀價。酷吏不仁責賦租。典
衣換粟室懸磬。賣牛償稅田荒蕪。語罷潛焉滄淚流。
爺姥嗷嗷兒呱呱。跪乞冷糞殘瀝餘。吾煮餽粥令來
餬。跛者盲者摩肩來。恰如爭肉鴛與烏。流歎沾沾不
輟箸。却恐飢腸傷飽舖。肉食不知采。食民頑黎欲發

陳涉吁。君不見去年今日浪華城。潢池煽動富家居。
草莽有人似鄭俠。廊廟願觀飢民圖。

暴潮歌

煙饒浪華津。煙銷王氣銷。豐臣已忽焉。此地人猶驕。
驕氣駁入海。颯然起颶颶。蓼蓼捲沙石。波浪平地飄。
城邊十萬家。倏被暴潮漂。人民爲魚鱉。鱉鱉海中跳。
河伯率醜類。跨鯨鳴金鑣。魚鱉咸損傷。和爲河伯調。
跼豹吠聖堯。狡鼠嚙惰猫。天草之沃賊。浪華之暴潮。
嘯集逞猖獗。一時入童謡。

賜暇將遊江都。賦呈東庵兄。

行雲樓遺稿卷三
素餐深愧屈鄉圍。弧矢志成將奮飛。幾時當勤螢火
課。此行莫望錦衣歸。文章一旦期焚硯。遊學半途奈
斷機。埋骨他山元不恨。三秋夢絕碧魚肥。

垂水瀑布

見星發湖邊。靄散巒嶂連。旭暉射山麓。霜葉紅欲然。
入林尋幽徑。徑絕沿清川。嶒嶸崕曲折。蜿蜒路回旋。
怪禽聲戛戛。冥潭澄妍妍。窟疑鬼魅屋。石類虎豹眠。
俄見百匹練。高挂斷削巔。漸近山谷響。始知瀑布泉。
恰似決銀河。倒瀉落九天。又似羣白龍。觸激飛鱗鮮。
噴沫迸玉屑。千雷轟紫淵。濕霧籠空翠。翠嵐起雲烟。

志

寒吹迫胸襟。振衣愈聳肩。兩眼豁不枯。吟骨忽將仙。
可惜此清境。不遇李青蓮。作詩題削壁。遊人爲我鐫。

寄尙友塾諸君

憶曾桂玉在京師。賴有友人加切劘。歸里自知安碌
碌。讀書誰勵立巍巍。嵐山俱醉櫻花酒。梅尾同題紅
葉詩。尙倩鴻魚通尺素。何時杖履再同嬉。

遊東山

烟雨糝糊山骨柔。濃雲散盡晚暉收。林梢箇箇豪華
地。一抹殘霞遮碧樓。

畜生冢

古來慘毒寧有此。姬妾卅六同時死。卅六身首投同。穴名曰畜生。甚人豕。君不聞短狐牝雞爲禍媒。長喙利牙破卵胎。至今白楊寒食夜。餓鬼啾啾出冢哀。又不聞牝雞含鋸短狐亡。猥精骨朽耳塚傍。

耳冢

猯猴大欲西方侵。絕海驅虎放雞林。虎啖羊羣血淋淋。白日茫茫虞淵沈。想見當時殺人多。耳尙如此骨如何。

秋胡

春風幾歲在天涯。久客歸來不識家。滿路紅開看如

土一枝誤折故園花。

與客約遊清水寺不到

有約不來終日閑。枕書且睡竹窓間。夢隨蝴蝶乍飛去。清水寺前花滿山。

題豐太閣觀花於醍醐圖

猯猴而冠跨龍驤。三春賞花醍醐鄉。饋獻闐咽夾道發。續燼陸續紅袖揚。山羞海珍堆山厨。哀絲豪竹涌林莊。百壺美酒多似澗。花下萬人醉顛狂。狂謀妄舉紛然起。四海戰卒猶痍瘡。前年千雉築金湯。丁夫斃湯池傍。今歲百丈鑄沙那。諸侯賦役疲將僵。驕慢

行雲樓遺稿卷一
氣肖漢武帝。混一志類秦始皇。上下骨枯土木營。何
况旌旗航海颺。寧知赫赫豪舉際。豐家禍機伏蕭牆。
休誇徒手握乾坤。何異名花與玉觴。覆手飄亂翻手
破。當時豪華夢一場。

題備後三郎書詩於櫻樹圖

天下豈無義男子。誓欲勤王斃姦宄。何料鑿與向山
陰。間道變服相追尾。館庭櫻樹高難攀。白樹題詩報
忠死。勿謂天意空勾踐。世有范蠡事成矣。恢復王室
知非難。恐使壯士肉生髀。挺身輒赴七條橋。我軍潰
亂不可恃。干戈狼藉委滿地。空收錦旗還營壘。嗚乎

滔滔天下偷鼠輩。爭附賊徒覩不恥。自從三郎唱勤
王。四海忠義如蠅起。先聲之功真莫大。唯有楠公堪
倫比。當時勝敗姑休論。南風不競嗟天只。

寄題水竹居多湖重遠索

雪則詩書月則琴。幽居恰似在山林。客來如問主人
事。竹是高標水是心。

寄渡邊伯信

浮雲十歲隔京城。乍聽鴻音懷舊盟。嵐峽櫻花鴨川
柳。春風春雨曾遊情。

送町田大明歸伊勢

河上何須別淚潛。歸家可喜列清班。征鞍朝發鮑洲
邸。行李夜投函嶺關。殘菊故園休入夢。衰楊驛路不
堪攀。扁舟直棹桑城去。鄉里爭迎遊子還。

趙普

雪壓園林夜幾更。紅爐燒肉酒頻傾。一團和氣君臣
際。吞得江南數十城。

詠鶴嚶鳴館冬至集

一自乘軒入玉扉。蒹葭野水夢依依。勸君早避樊籠
辱。何處閑雲不可飛。

讀王荆公傳

垢衣不濯蝨生髯。枉悖人情非守廉。寧有周公徒好
刻。匹如王莽漫持謙。一從天子甘錢布。終使蒼生苦
采鹽。却恨知遇災社稷。獨存文字有誰覘。

題那須宗高射扇圖

夕陽西眷山色紫。平源收軍猶移晷。遙見海上一裝
舟。望岸搖來轉櫓止。中出宮娃可二八。綠衣紅袴何
姣美。竿頭插扇植舟頭。向岸招招如有羨。羽箭負者
誰氏子。鐵馬金鞍入水洩。整頓戰袍拔鳴鏑。架上引
滿發一矢。應弦射斷畫扇眼。飛舞空中颯離靡。君不
聞此時平氏有陰揣。伏弓潛待廷尉起。廷尉挽弓墮

六鈞不學叔兮恃小技

鵞湖秋興

既無一物腹中橫。何事悲風亦動情。眼冷機山沈骨水。氣吞謙信送鹽嶸。雁聲夜駭赤沙浦。樹影秋寒高島城。賴有富峰堪仰望。杖藜日向此間行。

和中村中叟見寄韻。詩意及祖先事。余讀之愴然。遂作長句謝答。

嘗寓京師蓋始傾。君是吾黨鐵中鏘。箸述等身布四方。尚探遺篇名山藏。不圖君亦收吾名。遙裁瑤韻寄僻鄉。句中慇懃逮祖先。使吾感激益悲傷。嚮抵松島

登城墟。碑碣字泐荆棘荒。數圍喬松蟠龍蛇。瓊枝玉幹翠髯張。怒嘯雪霜幾十載。無復父老說甘棠。氣運無奈空撫摩。抗志欲揚祖先光。東遊霸府西帝都。赤幟未樹翰墨場。困頓百折何所爲。小技學成此文章。滿腹糟粕不救飢。紙上論世挾風霜。歸鄉碌碌就躬耕。回首青雲氣踉蹌。從今得君鞭策言。挽起駑駘走且僵。

題武田機山碑後

峽中野人耘得碑。題曰法性院機山大居士神儀。有客打碑齋。眎我文字漫漶事可知。展來憶起公雄略。

舉旗爲正偃爲奇。白旄所麾更無敵。整旅殆將入京師。聞說碑下見石棺。野人欲發骨頰痠。英雄骸髓旣雖朽。厲氣尙怒匹夫窺。野史妄傳沈湖事。公多罪惡懼鞭笞。嗚呼公之英靈凜如在。匹夫何得近其屍。

辛丑孟春夢遊嵐山甚樂。因有憶曾在京師從敬所豬飼先生觀花於嵐山。

往時吾寓尙志齋。友人來報山花開。先生曉拂烟霞出。吾亦布鞵相追陪。行望簇雲抵嵐山。管絃涌沸如殷雷。山店茗酒到處設。馬繫樹陰舟水隈。吾尋幽邃迎同遊。手聚落花坐莓苔。笑語寂寂山鳥啼。隔水觀

望傾幾杯。松竹繡縫櫻花間。翠綠映發賞奇哉。乘醉飛渡渡月橋。直繞山麓登層岫。須臾旋風拂花梢。繽紛散亂錦爲埃。又吹捲去敷水上。龍鱗蜿蜒向瀨摧。絕叫呼奇聲未休。大悲閣上暮鐘催。對花移晷不忍別。友云有意宜再來。乃折一枝爲勇割。恰重於得珠十枚。嗟吾歸鄉久索居。錦繡腸枯心亦灰。每值花時意又燃。夢遊千里蜨爲媒。覺來閑步掌大園。偶有谿叟贈野梅。

夏夜

研田慵耨耕。石井汲泉烹。屋角晚花發。牆隅新竹橫。

行雲樓遺稿卷二
鳥投繁樹宿。螢度細流明。爲待東林月。開窓到五更。
渡邊元亮嘗遺書帙於吾家。近日余購一奇書
卷。懷出人恐損破。偶得元亮所遺而納之。吻合
恰如爲此書製賦此請。

得魚忘筌。類痴懷書。遺帙亦似奇。奇是非奇痴非
痴。遺忘全由得意時。邊公讀書多得意。遺帙茫然不
自知。插之架上任鼠嚼。暑往寒來無人窺。近吾購得
一奩書。祕麓不許容易披。忽得故帙在架上。流塵滿
架亂蛛絲。手掃塵堆納奩書。方寸不違兩相宜。譬之
好女配佳士。伉儷相愛不可離。故倩麴生爲媒妁。許

否後房失寵。姬休道久假遂不反。吾本百事不心欺。
縱令訥訥似鄧艾。不作縱橫如張儀。紛耘得失姑置
之。抱琴當來傾一卮。

仲夏八日。淡路林一藏。江戶鹽谷量平見訪。弊
廬坐間走筆賦以呈。

高聲日暮叩門呼。無乃非吾朋友乎。溫酒壁間閑品
畫。論文燈下靜研朱。平湖雨歇晚風穩。遠嶺雲開新
月孤。僻地停行却堪愧。泉湯聊欲慰征途。

量平談北虜寇舟山事。慨然而作。

西洋有國地互北。黃表礪礪難耕植。朦朧爲城礪爲

陣萬里破浪窺諸域。歲之仲夏麥將秋。有客新歸自
西遊。書生常談已厭聞。但問丈夫當世憂。客云西虜
寇舟山。沿海戍士不解鞍。烽火日夜連燕京。征鼓鼙
鼙出津關。中有虜酋女。貌偉力如虎。督戰發巨煩。水
淺艦覆浦。太快酋女被生擒。馬革韜之將甘心。虜畏
乞和清不和。不和戮之寇必深。吾聞此語意氣雄。鐵
馬欲躍黃沙中。夜深燈暗客就眠。孤月西天彎如弓。
病起戲作

雨歇窓前竹色新。近來獨與此君親。自嘲多病似才
子。却笑閑愁如美人。幾歲羈遊書滿室。數荀廢學硯

旬

堆塵不須漫說無聊意。欲向江湖采嫩葍。

日根野氏墓

古刹山林花不開。英雄墳老白楊摧。可憐夜夜狐吹
火。寒食無人掃草苔。

弄毬子

弄毬之技亦妙哉。一毬擲空空中來。毬毬相續幾十
毬。手弄數毬如環回。乍橫乍斜任所使。舉趾搖目自
嘲諧。又投毬碗承竿頭。毬入碗中呼玉臺。竿竿銜尾
竿接竿。鼻端植立仍徘徊。徘徊少焉鼓笛起。竿彎碗
傾毬將頽。觀者屏息彼失笑。乃知餘地自恢恢。技入

妙處却停止。衆心未慊聲聲催。拍手一喝何所爲。竿頭百點紅燈開。君不見長安街頭十丈埃。敝袴蓬髮從兒孩。開口笑者彼何人。道學先生金蘭齋。

早行

月落烏啼初出門。炊煙生處定何村。知是板橋人未過。繁霜如雪更無痕。

寶刀歌

傳道佐佐木高綱。菟道河役所佩先登成功之後。藏之諏訪神庫。名曰斫浪丸云。

昔西遊觀菟道河。河水滔滔揚橫波。想見四郎跨龍

驤。鐵鞭肅肅躍水涯。傳道四郎入中流。默禱鬼神戒蹉跎。先登功成解寶刀。深藏神庫鎮妖魔。神物有靈氣衝天。氤氳常蒸五色霞。拔來電光動匣中。澹澹秋水走青蛇。一朶冷雲凜然寒。血痕班班點霜華。一揮堪飛百頭顱。無是神靈呵護耶。不然當時諸將刀。奈何銷磨埋泥沙。君不見日本鈍刀八支那。一擊鏘然研太阿。吳客千金購齋去。至今能記歐陽歌。

代跋

黃吻學吟野寺僧。日課漫誦杜少陵。咏花題柳幾百篇。篇篇吟成藏金滕。近日投閑手整頓。金硯珠礫眼

行雲樓遺稿卷一
廿五
昨嘗採葑摘菲手腕疲。險澁一層高一層。雞肋欲棄
又難棄。雌黃塗抹如亂繩。倦來庭除曳禿箒。蟠梅橫
水挂枯藤。蝨葉帶霜半凋零。西風一陣飛蓊蓊。隨掃
隨落可奈何。恰似蕪稿成滅增。笑踞石頭有會意。成
功本由三折肱。庭沙掃罷寒月淨。槎牙骨格露峻嶒。
羊鳴山在八嶽之陽。仲秋間多產松蕈。土人云。
三伏時節羣羊出沒。遠望則礪礪如石。近之倏
不見。是所以受名也。不知果信乎否。詩以記之。
八嶽之山山八峰。峰峰綠黛爲誰容。綠黛雖美不可
攀。但愛羊鳴疑雲松。羊鳴之山有羊鳴。白雲離合石

縱橫。雲根是石石是羊。神仙定有黃初平。方夫三伏
炎蒸烈。金石銷流土山熱。羣羊奮鬣出又沒。石耶羊
耶更怪謔。吾願晦蹤入此山。日手鴉觜遊林間。丹崖
刷來採仙葢。不敢容易賣人寰。孫淵對興五關風

贈菊池千里二首

堪愧長爲轅下駒。年年寒厯乏生芻。孔融有酒輕清
世。張儉揚鞭易險途。從古刀圭多達士。方今鉛槧少
真儒。歸田賦就挂冠去。烟雨耑耜松菊蕪。

長鋏歌成清有餘。琴書滿堂好遊娛。半天雲霧芙蓉
岳。萬頃波平諏訪湖。早歲羈宦蛇畫足。老年辭仕鶴

室

行雲樓遺稿卷一
療癩想君放髮歸休處竹徑梅關宅一區

放鷹歌

西風凜凜原草寒。臂上蒼鷹屹聳肩。殺氣橫秋慘淡
高。振翮決背望青天。忽然蹶起摩蒼空。片影出沒奔
雲端。但見雙雁婆娑下。羽毛離披腹出肝。鷹師呼鷹
吹短笛。鐵爪飛來血未乾。左臂蒼鷹右提雁。意氣揚
揚進侯前。帳裡炙雁張酒宴。氍毹席煖興正闌。厭厭
夜飲更深歸。千點燈毬費萬錢。父老欣然相告語。蒼
鷹所過原草丹。我侯庶幾無疾病。何以能頻頻遊畋。
吾聞今川氏之訓。外作禽荒內不安。鷹乎鷹乎爾何

物唯應草間求遺賢。

巴女林

粟津原上女將軍。鞍馬歸鄉守墓墳。縱有悲歌愧虞
子。勝他妙舞戀郎君。風來似草動。風去似雲生。四十裡火熱

血遊子吟

朝辭膝下安。夕上行路難。時秋嚴霜降。遊子衣裳單。
爲製遊子衣。數日駐征鞍。剪裁何忙匆。線針密密縷。
縷罷著遊子。絮厚衣自寬。臨別執衣袂。須禦三冬寒。
憶昔紡車側。傍母弄文翰。一日製一衣。未曾到夜闌。
今則何太憊。一衣思百端。衰老既如此。流光似飛丸。

三公九鼎祭。不如菽水歡。

讀赤穗義人錄

君辱臣致死。君死臣坐視。其面可唾。又可糞。義勇全
在于知恥。知恥不共戴。蒼天痛哭枕。戈幾數年。鐵槌
碎門報。君讐紅雪湧。湧天豁然。鋒鋸貫。馘來拜舞。碧
血淋漓。流墳墓。垂涕祭。罷含笑死。赫赫殉君。趨樂土。
君不見。赤穗城邊悲風疾。勁草僅見四十七。野火燒
盡飛紛紛。何人爲。漆史氏筆。

四谷村

暖風收雨好遊行。處處殘花猶有情。恨殺韶光忙裡

盡黃鸝未老杜鵑鳴。蘇門王益海山。出隄。下。馬。

鹽尻嶺

山繞平湖千頃雄。高城搖蕩綠波中。堪驚雲散霧消
處。一朵芙蓉開碧空。

南枳園

原頭遙見數椽家。蜃壁燦然倚竹坡。入門便覺饒幽
味。葯草紛紛繞砌多。

卽事

湖邊曙色清。燕燕蹴波輕。垂楊深綠處。只聽打魚聲。

夏晨掃園

行雲樓遺稿
殘月沈遙嶺。嶺頭明曙光。埽罷呼茶坐。松花點袂香。
答人乞題畫

惜墨如金誰所畫。萬重烟景寸方中。紙頭餘地休題句。遠水平山妙在空。

遣悶二首

作文與駭人。孰若默無言。丈夫抱大志。不願鶴乘軒。
韓信釣水濱。未報漂母恩。張良博浪椎。一擊震乾坤。
獨感古豪傑。傾倒北海樽。驥足何處展。東方有曠原。
鴛鴦慕棧豆。不能騰曠原。老驥雖伏櫪。志則千里存。
丈夫知進退。不須謁權門。王猛被褐出。捫蝨干桓溫。

夏夜納涼

晚來投卷去。閑步小庭中。石瀨聲疑雨。月光涼以風。
幽花香已散。短竹露初融。橋上開襟坐。流螢照碧叢。

夏日山居

夏日山居好。三旬不入城。松花可釀酒。杞菊堪調羹。
偶見溪翁訪。行看野鶴橫。歸來日未落。伐木聲丁丁。

謝赤羽主一見贈新筍

來書云常光寺園所產

患瘡三旬口絕葷。日坐閑窓對夕曛。故人贈我紫翠筍。
筍。玉立亭亭帶縹紋。呼童脫籩活火烹。香氣氤氳爐
邊薰。云從雨寶山園致。清味自與佗山分。一喫胸中

如破竹。疑是仙樵運斧斤。休吟少陵羈體句。瘡癘吐
吾遁翁翁。快哉雪月潔襟端。以手加額謝此君。尚願
胸裡生長竿。高節虚心凌青雲。

奇竹歌渡邊坦平索

竹甲斐巨摩郡長澤村民半兵衛園所產。一
株十本。竿竿如束。蓋奇品也。其生實壬寅三

月寅日寅時云。

嶰谷之竹千古高。未聞十龍同時跳。混然全體好兒
弟。玉立亭亭凌雲霄。竿竿攢簇非爲奇。節節曼玉自
似簫。簫聲似鳳凰棲竹。竹實食鳳凰皇調。造化生此

果何意。欲降祥瑞獻熙朝。熙朝美政直如竹。黜曲矯
枉抑奢驕。休道瀟灑宜風月。此君之德永不凋。吾今
展圖揮吟筆。擬作驩虞擊壤謠。

題司馬溫公破甕圖

陸兒懷橘李兒詩。雙角嶄然同露奇。誰知救世活人
手。一着當看破甕時。

初冬十六日夜濱大兄見訪賦呈

龍川嘗訪辛幼安。意氣相投吐鐵肝。臭味同心蘭一
束。議論尚節竹千竿。平生幸得稱知己。他日各宜援
急難。功業由來依密友。願君勿使此盟寒。

聞語厄利亞事慨然賦二首

本邦自昔稱精銳。何物蠻戎敢戰爭。筑海嘗翻蒙古艦。雞林大破朱明兵。童兒猶語豐公事。婦女亦知神后名。二百年來養多士。豈無將略出韓彭。

六韜讀罷夜將闌。臚膊聞雞意不安。月下呼天試擊劍。霜晨鞭地學飛鞍。壯心猶喜鬢毛黑。義氣自許肝膽丹。休謂蠻船蔽蒼海。吾徒眼大如彈丸。

津山牧子誠將歸其鄉訪余廬賦以送

分手三年音信寬。相遭湖畔滯征鞍。茅廬破帳伴羈夢。村落濁醪爲舊歡。各地平安須若竹。同心臭味欲

如蘭。帝城此去將千里。蘇峽寒雲釀雪寒。千箇書符

寄題芙蓉樓應主人囑。雨雲灑山寺。寂寂

昔吾宿富岳。嘶雞聞半宵。振衣登絕頂。燭龍海中跳。

口嚼太古雪。手採靈藥苗。自覺支離骨。介然凌碧霄。

氣象何豁達。頗知天下么。爾來三四年。謬而落塵囂。

奈何凌雲身。五斗苦折腰。偶仰芙蓉高。八朶開不凋。

玲瓏立雲表。巍巍君子標。頓使鄙吝心。烟散且霧消。

菅君家東渚。風景偏富饒。芙蓉秀牆頭。縹緲如可招。

倚欄縱眺望。嵐霏變暮朝。飽餐清澄氣。曳杖日逍遙。

吾今應其囑。懸想作吟詠。回顧往昔事。突兀不堪描。

何日挂籜冠。混迹富山樵。

伯夷

武王功就一戎衣。虞夏忽焉誰與歸。周鼎遷來幾千載。春風獨長首陽薇。

雪晴步湖上

湖上雪晴風色宜。玲瓏八嶽各爭奇。行遭野老停筇問。孰是彌陀孰藥師。彌陀藥師八嶽二峯名

冬曉

鴉鳴屋上夜將明。推戶欣看雨雪晴。山寺疎鐘殘月響。叢祠警鼓曉風鳴。老翁乞藥談奇疾。童子誦書誇

啼

小成深巷近來多樂事。亦聞新政及耘耕。

入江都

經歷雲關百里程。卸裝得得入江城。故人相遇喜安靜。新政每聞歎聖明。芝浦雪晴帆影穩。房山月上雁聲清。自今羈客爲何事。一穗寒燈千古情。

春寒

池上春遲鳥未遷。客中更覺敝衣單。隔簾風力冷如鐵。穿牖月光清似湍。夜半銅瓶梅正萎。朝來瓦硯水全乾。江城二月猶飛雪。遙憶故園不耐寒。

送人之京

新識友人遊帝畿。相逢草草別依依。二三月際開遊履。八九日程振旅衣。雨霽山亭花正發。風暄水驛雁將歸。茲行物色洛陽市。爲問近來文運微。

龍馬歌贈妹尾君恭

維昔延元中興秋。出雲之野獻驂騮。朝出出雲夕達京。騎此足定蜻蜒州。惜哉一蹶失駕馭。奸雄更起縱割據。驂騮空斃天厩內。老臣苦諫拂衣去。爾來經載五百春。雲野又出真麒麟。雄姿逸態何矯矯。幸遇隆時足可伸。信山環眼氣半死。鞭痕傷背肉生蠅。同伏槽櫪嚙殘藜。哀嘶常願附騏尾。

西疇風暖雨全收。鴉觜攜來耘且休。春蔬下種當何先。閑向鄰家老圃謀。

烏鳥行有所感而作

濠上有喬樹。老鳥巢其巔。回祿馳暴虐。焰焰遠燒延。雛驚墮於巢。翼短投炎烟。老鳥欲援之。羽燹不可前。火滅雛不見。日夜哀鳴旋。行人憫老鳥。烏鳥相哀傳。吾謂休烏鳥。老鳥雖可憐。彼本非同類。憫悼何足專。旣焚只問人。聖人意不偏。聞否前月事。常盤橋北邊。某邸不警火。大厦一炬顛。焚死卅餘人。沈籍恰如鱗。

赤穗義士墓

既將一死報亡君。正氣堂堂薄碧雲。今日吊來泉岳寺。苔深四十六臣墳。

寄內

五六年來頻遠出。讀書宿志竟成非。春聽征雁腸將斷。夜臥高樓夢乍歸。碌碌依人吾自恥。孜孜養母汝無違。光陰過眼須臾裡。秋飈也煩寄煖衣。

客中偶成

昨夜鶉聲破夢來。小窓枯坐思深哉。故鄉半歲更無信。遊子何時初得回。自古詩人多失意。如今長者孰

憐才。偶登高閣縱眸處。新月一痕晴色開。

送愛臯先生陪侯駕赴晃山

朝發江城四月天。晃山夏色鎖祥烟。髮嶺杜鵑勞夢想。華巖瀑布入詩篇。台駕仗儀耀日麗。闕宮結構凌雲鮮。欲知韶歲深恩澤。父老仰觀咸翕然。

次三浦士厚夏夜作

欲逐涼風除暑威。滿川明月影輝輝。高吟驚起栖梢鶴。珠露冷然霑葛衣。

與新井大吉別

數里來遊江戶城。讀書半歲共燈檠。別離他日難忘

處楊子溝頭舊雨情。

油菜花

西疇十里似雲遮。歷亂香翻野老家。他日粉身都不厭。芳心一點發燈花。

晚步

晴月輝輝宜晚行。納涼到處賣蟲聲。彩籠買去誰家女。識否郊村促織情。

道灌山懷古

猶想英雄恨未平。滿山風雨夜深鳴。可憐豚犬無謀慮。自破渠家萬里城。

紅薇花

枝葉未生形似枯。漸遭梅雨氣初蘇。賞心不厭開花晚。百日幽香裊足娛。

秋夜聞雷二首

八秋已二旬。殘暑惱精神。几研殆難對。讀書僅昏晨。一夜涼飈吹。驟雨來自寅。雲隙洩霹靂。殷雷萬瓦振。蚊虻寂無聲。草樹洒然新。幽人頗得意。端坐愁眉伸。餘滴響空階。清味絕點塵。呼友靜相談。燈火稍可親。談酣夜三更。蟋蟀砌下鳴。斷雲吐霽月。皎皎露氣清。攜友步庭除。梧桐起秋聲。秋聲何蕭索。使吾傷幽情。

烏山驛

濛濛月落數峯西。竹樹村中行欲迷。出郭便知風物早。蟲聲如雨夾途啼。

宿府中

好是香魚上瀨時。芒鞋來宿玉川湄。孤村月上露風冷。聽徹砧聲就睡遲。

七月十四日遊松連寺

寺在萬松連翠間。蒼崖丹壑絕人寰。今日登臨最高頂。眼明關左八州山。

書吉田生卷

可

故人寄我小詩卷。詩中多載故鄉美。吟之恰如涉其境。某山某水手一指。擁鼻吟罷枕之眠。閑夢忽歸路千里。覺後燈前再展覽。妙年才思真堪喜。勸君才鋒如斯銳。莫將兔園老小技。讀破千卷遊千里。豁胸當期俊傑士。吾亦舊年抱微志。爾來被笑遼東豕。餘勇血氣未全消。時時嘆息肉生髀。君不見禹蹟龍門千丈水。憤然一躍已非鯉。

稻村崎

颶風捲海動山鳴。恰似千兵萬馬聲。想得將軍當日事。瑩頭沈劍斃長鯨。

新田中將沈劍祈海處

八幡祠

祠前笙鼓肅嚴兮。多少斑鳩繞廟栖。恨殺十圍銀杏樹。至今猶認鴟鴞啼。公曉伏樹下弒右府

足利高氏偽墓

青史千秋臭不乾。當年猶幸得偏安。奈何復立將軍碣。却使遊人罵老瞞。

十錢索得不論錢。經世心腸洗滑川。丈夫立志當如是。一炬光明至萬年。對人鎌倉懷古四首中

山河歷歷幾人尋。荒寺廢墳草木深。誰知停杖沈吟處。七百餘年懷古情。

五百年前古戰場。人烟簫瑟墾田荒。一代忠雄屠腹

地。鬼燐明滅夜深蒼。長崎高重死于此

山河千歲認雄魂。折戟雖銷氣尚存。牧童休刈戰場草。碧血斑斑在土根。

宮殿化爲禾黍疇。悲風滿目使人愁。田夫不識興亡恨。長占鎌倉昔日秋。

歸家

探討歸來意轉新。從今燈火亦當勤。獨坐書窓綴遊

記。嵐光繚繞筆生雲。今欲火亦當從靜坐青窓錄

...

...

...

...

...

...

...

...

...

行雲樓遺稿卷上終

010190524430

